



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

De Pœnis, & Mulctis.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

11 Quæcumque excommunicationum sententiæ, uel à Summis Pontificibus uel Tridentini, aliorumque generalium, & Prouincialium Mediolanensi. Conciliorum decretis, uel Diœcesanarum cuiuscumque; urbis Synodorum constitutionibus latæ sunt, quibus ipso facto, uel iure homines irretiuntur; hæ omnes, summatim vulgari sermone expressæ, & in tabellam aliquam ordine relatæ, die primo Dominico Quadragesimæ in singulis Cathedralibus Ecclesijs, de suggestu frequenti populo de scripto legantur, quò fideles meminerint, diligenter ab illis cauendum esse. Idque etiam fiat in Parochialibus illis Ecclesijs singulis, ubi id fieri Episcopus expedire censuerit. 3. Ibidem.

De Pœnis, & Multis.

SUMMARIUM.

- 1 Pœnis, his constitutionibus statutis, non derogatur alijs per sacros Canones & Trid. Conc. constitutis.
- 2 Multa Ecclesiasticis imposita in Episcopi cōmodum nō conuertendæ.
- 3 Quibus ille assignandæ.
- 4 Quando Seminario applicandæ.  
Et quando locis pijs. 10.
- 5 Notarius illarum attributionis rogatus infra triduum pia loca ad-moneat.
- 6 Multa laicis irrogatæ ut diuidendæ.
- 7 Quibus non remittendæ: & qualiter commutandæ.  
Multa Canonicis constitutæ, Sacristiæ, aut fabricæ Ecclesiæ applican-dæ. Tit. sequenti, nu. 12.  
Vsum in alium non conuertendæ. Ibidem.  
Ea in certum librum referendæ. De foro Episc. nu. 19.  
Earum quis particeps non sit. 2. Ibid. nu. 20.  
Beneficijs quando Clericos priuare liceat. De vita & hon. cler. 106.  
Pœnæ, multæ uenè omnes, tam certæ, quàm arbitrariæ his sex Concilijs comprehensæ, in Indice, uerbo, Pœnæ, Multæ uenè, uidendæ.



1 Quibus pœnis, nostris in hac Prouinciali Syno- do decretis, delicta coercemus, nihil de illis ani- maduersionibus derogamus, quas ueteres cano- nes, & sacrum Tridentinum Concilium in eadē peccata constituerant. Quare negligentes, uel contumaces, & illis, & ijs pœnis puniendos de- cernimus.

1. De Pœnis.

- 2 Quotiescumque delicti causa Clerici multandi sunt, quæ ab illis exigenda



exigenda erit pecunia, nullo modo ad Episcopum perueniat; in eius-  
uè commoda quavis ratione conuertatur, sed idem Episcopus parte pe-  
cuniæ, quæ tertiam non superet, assignata delatori, reliquam pijs ope-  
ribus, aut locis, quibus ei uidebitur, omninò attribuat.

4 Quam pecuniam, si qui piorum locorum, aut operum administra-  
tores intrà mensem ab eo die, quo solui debet, numerandam non exe-  
gerint; ea Seminario iam nunc adiudicata intelligatur.

5 Notarius autem, qui attributionis instrumenta confecerit, triduo  
ea de re loca pia, quorū intererit, admoneat alioqui eis sua pecunia sa-  
tisfaciat.

6 Multas uerò, quæ ob delicta Ecclesiastica, uel mixti fori, laicis, à  
iudicibus Ecclesiasticis irrogabuntur, ad hunc modū diuidi uolumus.

Vt tertia parte pijs locis, aut operibus, eadem, qua supra diximus, cō-  
ditione addicta, tertia ad fiscum principum sæcularium pertineat: re-  
liquum accusatori detur.

7 Quibus uerò tūm Clericis, tūm laicis pecuniæ multa imponenda  
fuerit, si sint soluendo, ne eis pœnam remittant Episcopi, nisi graui de  
causa, quod iudicium eorum conscientia periculo sit, sin inopes sint,  
pecuniam aliqua alia salutari pœna commutent, quæ eius generis sit,  
ut peccatorum uulnera contrarijs remedijs curentur.

Quæ generatim ad hæc decreta Prouincialia  
& alia pertinent.

S Y M M A R I V M.

- 1 Decretis his Conciliaribus concessa Episcopis facultas, eorumque mi-  
nistris, gratis est concedenda.
- 2 Facultas ipsa Episcopis concessa, in quibus ad suos Vicarios extendi-  
tur, & in quibus non.
- 3 Decretorum Conciliarium declaratio, & interpretatio Metropolita-  
no reseruata.
- 4 Decreta, in quibus ad Ecclesias Ambrosianas extendenda: & in  
quibus non.
- 5 Eorum publicatio, & affixio, ubi, & quomodo facienda, & quando  
valere incipiat.
- 6 Lectio eorundem in Synodo.  
Quoque alio tempore. 8. & seq.  
Decreta ad Ecclesiasticos quoscumque laicos pertinentia, ubi, & quan-  
do legenda, & denuncianda. 9. 10.
- 7 Aseruatio illorum ubi facienda.

Decretis